



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Komisija za finansije i budžet

Broj: 01/4-011-1075/03

Sarajevo, 7.8.2003. godine.

Z A P I S N I K

**sa 8. sjednice Komisije za finansije i budžet Predstavničkog doma
Parlamentarne skupštine Bosne i Hercegovine,
održane 7.8. 2003. godine**

Sjednica je počela u 09,00 sati.

Sjednicom je predsjedavao dr. Nikola Špirić, predsjedavajući Komisije.

Sjednici su prisustvovali:

- dr. Nikola Špirić, predsjedavajući komisije,
- Fatima Leho, drugi zamjenik predsjedavajućeg komisije,
- Ljiljana Mliličević, član,
- Hazim Felić, član,
- Mirko Blagojević, član i
- Beriz Belkić, član Komisije.

Odsutni su bili: Zlatko Lagumdžija, Filip Andrić i Abdulah Nakaš.

Sjednici nisu prisustvovali uredno pozvani predstavnici Vijeća ministara BiH, predlagači Zakona o sudskim taksama u postupku pred Sudom Bosne i Hercegovine,

Za sjednicu je predložen i jednoglasno usvojen slijedeći

D n e v n i r e d:

- 1. Usvajanje zapisnika sa sedme sjednice Komisije,**
- 2. Rasprava o Prijedlogu zakona o proceduri za nabavke robe, usluga i ustupanje radova za potrebe institucija Bosne i Hercegovine,**
- 3. Rasprava o Prijedlogu zakona o sudskim taksama u postupku pred Sudom Bosne i Hercegovine,**
- 4. Tekuća pitanja.**

Predsjedavajući Komisije, dr. Nikola Špirić je otvorio sjednicu i predložio dnevni red. Dnevni red za 8 sjednicu je jednoglasno usvojen.

Ad-1 Usvajanje zapisnika sa 7. sjednice Komisije.

Nakon toga, predsjedavajući Komisije je predložio raspravu o zapisniku sa 7. sjednice Komisije. U raspravi o zapisniku sa 7 sjednice učestvovao je g. Hazim Felić, član komisije koji je istakao da nije dobio tekst zapisnika. Kako je bilo teško utvrditi da li

je pisarnica Parlamentarne Skupštine BiH dostavila test zapisnika ili ne, predsjedavajući je predložio, a Komisija usvojila, da se o zapisniku raspravlja i isti se usvoji na narednoj sjednici.

Ad-2 Rasprava o Prijedlogu zakona o proceduri za nabavke robe, usluga i ustupanje radova za potrebe institucija Bosne i Hercegovine,

Predsjedavajući Komisije je u uvodu za ovu tačku dnevnog reda, ukazao na okolnost da je nacrt Zakona o proceduri za nabavku roba, usluga i ustupanju radova za potrebe institucija Bosne i Hercegovine (u daljem tekstu: Zakon) izrađen u aprilu 2003. godine. Po zaključku sa 6. sjednice, dana 19.05.2003. godine je upućen dopis Ministarstvu financija/finansija i trezora BiH koje nam je odgovorilo 27.05.2003. godine. Predložio je diskusiju o tekstu zakona.

O tekstu zakona nije bilo rasprave, pa je predsjedavajući predložio usvajanje teksta zakona.

Prijedlog zakona o proceduri za nabavke robe, usluga i ustupanje radova za potrebe institucija Bosne i Hercegovine usvojen je bez primjedbi i jednoglasno. Predloženo je Predstavničkom domu Parlamentarne skupštine Bosne i Hercegovine da prihvati tekst Prijedloga zakona.

Ad-3. Rasprava o Prijedlogu zakona o sudskim taksama u postupku pred Sudom Bosne i Hercegovine

Predsjedavajući Komisije je u uvodu za ovu tačku dnevnog reda, podsjetio da je nacrt Zakona o sudskim taksama u postupku pred Sudom Bosne i Hercegovine (u daljem tekstu: Zakon) Vijeće ministara dostavilo Predstavničkom domu PS BiH dana 26.6.2003. godine. Ustavno-pravna komisija Predstavničkog doma PS BiH je 7.7.2003. godine dala pozitivno mišljenje o zakonu. Predložio je diskusiju o tekstu zakona.

O tekstu zakona nije bilo rasprave, pa je predsjedavajući predložio usvajanje teksta zakona u komisijskoj fazi njegovog donošenja.

Prijedlog zakona o sudskim taksama u postupku pred Sudom Bosne i Hercegovine usvojen je bez primjedbi i jednoglasno. Predloženo je Predstavničkom domu Parlamentarne skupštine Bosne i Hercegovine da prihvati tekst Prijedloga zakona.

Ad-4. Tekuća pitanja

Raspravljajući po ovoj tački dnevnog reda, Beriz Belkić, član Komsije je predložio da se u dnevni red naredne sjednice Komisije uvrste tačke koje će razmatrati slijedeće inicijative:

- inicijativa za organizaciju okruglog stola na temu: Pravci ekonomskog razvoja Bosne i Hercegovine”,
- inicijativa za uspostavljanje Agencije za bankarstvo Bosne i Hercegovine

- inicijativa za razmatranje Izvještaja o izvršenju budžeta za period januar-juni 2003. godine.

Sve tri inicijative predlažu razmatranje i zauzimanje stavova o materiji koja je iz nadležnosti ove Komsije. Posebno je važna inicijativa za razmatranje Izvještaja o izvršenju budžeta za period januar-juni 2003. godine jer je iskazano probijanje predviđenog iznosa potrošnje za preko 600 000 KM, pa je nužno potrebno vidjeti razloge ovog probijanja.

O inicijativama je diskutovala i Fatima Leho, član Komsije koja ih je podržala, posebno istakavši treću inicijativu, te predložila da se od nadležne službe zatraže dodatni podaci i obavještenja o budžetskoj potrošnji u prvoj polovini 2003. godine. Iz dodatnih dokumenata treba biti vidljivo koliko je potrošeno sredstava za stari, a koliko za novi saziv PS BiH, a treba pozvati sekretara Zajedničkih službi za pojašnjenje pojedinih stavki potrošnje.

Članovi Komisije su prihvatili inicijative g. Beriza Belkića i zaključili da ih treba staviti na dnevni red naredne sjednice Komisije. Za Inicijativu o razmatranju Izvještaja o izvršenju budžeta za period januar-juni 2003. godine potrebno je pozvati sekretara Zjedničke službe PS BiH., a nadležno tijelo Zajedničke službe će za sjednicu Komisije izraditi detaljnu analizu stavki budžeta. U analizi stavki i njihovom komentaru, razdvojiće se one stavke koje su u potrošnji probijene od drugih.

Sjednica je okončana u 09,20 sati.

Sekretar Komisije:

dr. Zijad Hasić

Predsjedavajući Komisije:

dr. Nikola Špirić s.r.